



Broj: 11-05-38-17009

Sarajevo, 14. 05. 2009. godine

UNIVERZITET U SARAJEVU
Sindikata Univerziteta u Sarajevu
Sarajevo, Vilsonovo šetalište br. 9

PREDMET: Odgovor
Vaš Dopis od 07. 05. 2009. godine

Poštovani,

Ministarstvu obrazovanja i nauke Kantona Sarajevo obratili ste se dopisom u kome nas obavještavate da su na sjednici Centralnog odbora Sindikata Univerziteta u Sarajevu odražanoj 06. 05. 2008. godine razmotreni rezultati izjašnjavanja članica Univerziteta, te da je voljom velike većine zaposlenih od 60% pa do 95% izjasnili za štrajk kao jedino sredstvo za promjenu statusa zaposlenih na Univerzitetu u Sarajevu.

Određeno je da štrajk počne 10 juna (srijeda) u 9 sati, da traje do promjene statusa zaposlenih na Univerzitetu u Sarajevu i da se odvija na visokoškolskim ustanovama koje su se izjasnile za štrajk.

Dalje navodite u četiri tačke šta traže zaposleni na Univerzitetu u Sarajevu.

Upućujemo odgovor na posljednju četvrtu tačku vašeg dopisa koja glasi:

“Da Vlada Kantona Sarajevo pod hitno predloži na usvajanje Skupštini Kantona Sarajevo prijedlog dopune Zakona o visokom obrazovanju u kojem će u prelaznim i završnim odredbama stajati:

Asistenti i viši asistenti koji su izabrani prvi put po prethodnom Zakonu o visokom obrazovanju imaju pravo na reizbor pod uvjetima iz Zakona po kojem su izabrani prvi put.”

Nakon upoznavanja sa vašim zahtjevom izvršili smo uvid u odredbe zakona i utvrdili smo da je Okvirni zakon o visokom obrazovanju u Bosni i Hercegovini u članu 63. stvorio obavezu da se kantonalni zakon o visokom obrazovanju uskladi sa odredbama Okvirnog zakona što je i učinjeno donošenjem usklađenog Zakona o visokom obrazovanju (“Službene novine Kantona Sarajevo”, broj: 43/08).

Po našem mišljenju navedeno pitanje je regulirano članom 57. Okvirnog zakona o visokom obrazovanju u Bosni i Hercegovini (“Službeni glasnikBiH”, broj: 59/07).

Takođe, naše je mišljenje da ne postoje dileme u vezi sa primjenom člana 57. Okvirnog zakona o visokom obrazovanju u Bosni i Hercegovini u skladu s kojim lica izabrana u akademska zvanja koja ta zvanja imaju na dan stupanja na snagu ovog Zakona zadržavaju ta zvanja, odnosno da se njihov reizbor ili izbor u više zvanje, reizbor ili postupak izbora u isto zvanje odvija u skladu sa propisom prema kojem je izbor izvršen.

Ipak, kao što vam je poznato ovo ministarstvo nije nadležno za tumačenje direktne primjene odredaba Okvirnog zakona o visokom obrazovanju, te sugeriramo da se Sindikat Univerziteta u Sarajevu obrati nadležnom ministarstvu za tumačenje navedenih zakonskih odredaba.

S poštovanjem,



MINISTAR

Mr. Safet Kešo



e-mail: monks@ks.gov.ba, www.monks.ba
Tel: + 387 (0) 33 562-128, Fax: + 387 (0) 33 562-218
Sarajevo, Reisa Džemaludina Čauševića 1



DIN EN ISO 9001:2000
Zertifikat 15 100 63666